

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 11. De quibusdam visionibus Pueri Jesu cum sua sanctissima Matre,
& magnis utriusque gratijs, quæ ipsi ab illis fuerunt præstitæ.

urn:nbn:de:hbz:466:1-38580

tione, modestia ac sanctitate, ut accenderet animam sui amore. Præcedebat Sanctus Joseph cum magna reverentia & amore, atque cura de hac Celfissima Domina, deque ipsius Filiolo. Dum illos videbam jam exeentes per portam, ad prosequendum suum iter, per quendam campum, comitata sum ipsos modicū extra portari, & ibi mansi, cum tanta tristitia, ut illam non potuerim dissimulare. Videntes autem Beatissima Virgo meum dolorem, ejusdemque causam, vertit se ad me, & dixit mihi: Tace, n̄ doleas, quia non discedo à te, iterumque tealias videbo, esto bono & hilari animo. Sic me solata est Domina Nostra, & verò stetit promis, visitando me frequenter, præsertim post octo dies, cum versarer in meo receſſu, vidi illam quasi in quadam pereleganti capella, tota inaurata, & quam lucidissima. Habebat ante se hæc Domina suum pretiosum Filium jacentem quasi in quadam humili & parvulo lecto, similiter inaurato, & pretiosissimo, assistente ibidem sancto Josepho. Erant circumquaque multi Angeli cantantes cum magna lætitia & gaudio; ego vero audiebam musicam, tanquam eminus, non audiens quid canerent, sed quantum intellexi, erant laudes & præconia sacratissimi Pueri JESU, & sanctæ ipsius Matris, quæ advertens, quod

hæc omnia multum mirarer, neque scirem quid ageretur, dixit mihi: Ita, quam vides, est mea domus, in qua vixi, ac habiavi, quando sum profecta Bethlehemum, ubi peperi meum sanctissimum Filium, & quam, me absente, cultodiebant ac nolarebant hi Angeli, qui modo gaudent de meo adventu, deque novo in illam ingresum mei Filii, jam in mundo nati, lètantur & exultant.

Ex verbis sanctissime Virginis colligitur, quod semper speciali amore fuerit prosequuntur istam Domum Nazarethianam, ubi fuit perfectum intrà ipsius viscera sacro sunt unum mysterium Incarnationis, & vixit ante partum, ac à Purificatione, & postquam rediit ex Aegypto, convivente illi in eadem sancto Josepho, ipsoque Verbo Incarnato, usque ad trigessimum annum sue etatis. Vide credibile est, semper fuisse custodiā ab Angelis, ut in hac revelatione asservitur, qui videntes, quod Nazarebi non esset secūrū, neque ibi maneret cum maiestate convenientē tali Domui, illam minuciose transtulerunt ad varias regiones, donec ipsam tandem constituerunt Laveti, ubi modò maneret, & est in veneratione omnium Fidelium, qui ibidem consequuntur insignes gratias à sanctissima Virgine, propter magnum amorem, quo fertur in hanc domum.

¶*)***(2)

CAPUT XI.

De quibusdam visionibus Pueri JESU cum sua sanctissima Matre, & magnis utriusque gratijs, quæ ipsi ab illis fuerunt præstitæ.

Hoc loco se commode offrunt admiranda, quas Venerabilis Marina habuit diversis occasionibus, visiones Christi Domini Infantis, comparentis ipsi in brachij sacratissime Matris, cum illam una inviserent, & in usitatibus cumularent gratijs. Referemus vero tantum continentis aliquod Mysterium, vel specialem doctrinam.

§. I.

Visitavit me, inquit, sacratissima Virgo cum suo pretioso Filio, quasi Puerello unius anni, qui denudatus, eamque amplexans stabat in ipsius finu, & modo aspiciebat me, quasi mihi diceret, ut contemplarer pulchritudinem illius magnæ Dominae sue Matris, quam mihi monstrabat; modo vero illam ipse summo cum amore intuebatur, quo se erga ipsam ferri

Bb

osten-

ostendebat. Ego dum sustulisse oculos animæ, ac viduisse utriusque pulchritudinem, fui repleta ingenti gaudio, nec potui ab illis oculos avertere. Color, modestia, gravitas, & sanctitas, quæ respandebat in Virginis vultu, divinisque oculis, erat quidam cœlestes, & incitabat ad magnam devotionem. Pulchritudinem autem sanctissimi Puelli, quis explicet? habebat faciem rotundam, & candidissimam, oculos grandes, & gravissimos, ac elegantissimos, quam simillimos oculis sanctissimæ Matri, capilli capitum ejus erant flavissimi, instar purissimi auri, quos habebat gratiosissime crispuos. Interea cum tam Matrem, quam Filium aspicerem, nescio, quomodo fuerim modicum distracta, & quando ad me redij, advertique defectum, quem in eo admiseram, valde dolui, ac vehementer fui confusa, petique veniam cum magna verecundia à sanctissima Virgine, quæ mihi respondit quam amantissime, id non esse mirum, eò quod adhuc vivere in ista carne mortali; quodq; etiā visa fuerim ab illa abfuisse illo modico tempore, ipsa tamen propterea non manserit sola, quandoquidem habuerit suum pretiosum Filium in suis brachijs, & in suo corde, ac ipse fuerit cum illa. Dum eam contemplarer, & audirem nonnulla verba quæ mihi dicebat pro meo solatio, recordarérque, quam essent speciosa sacra ipsius ubera, quorum conspectu alias fuerant fructa, optavi illa videre. Quamvis autem hoc tantum in meo animo volverem, Beatissima tamen Virgo bene rem intellexit, ac paulo post collocavit in suis brachijs suum pretiosum Pupulum, qui, ut dixi, steterat, exposuitque mamillam, ut eā ipsi porrigeret; sed sanctus Puer applicuit ad illam suum vultum, & non suxit lac. Sanctissima Virgo vero admovit manum uberi, & incepit ex eo emittere radios latentes, cuius pars, instar cœlestis roris, cecidit super faciem Pupuli, pars vero supra meum pauperem lectum. Dum viderem depluens istud lac, quia ultra octiduum laborabam ex acri capitum dolore, protendi collum, ut mihi aliqua gutta in illud incidet, & in faciem ac nasum, quem habui

vehementer tumidum, valdeq; afflictum. Et fui respersa suavissimo ac divinissimo rore illius sacratissimi lactis, qui mihi sustulit dolorem capitum; statimque Beatissima Virgo cooperuit ubera.

§. II.

Arias gratiissimas duas visiones habuit, cum agrouaret, praesente itidem gloriose sancto Dominico, quocum multa disceruit, que suo loco recensebimus. Prima vice, inquit, erat sacratissima Virgo coperta pretiosissimo pallio humeris ipsius adaptato, quo elevato mihi ostendit sacratissimum Infantem JESUM, qui in illius brachio ac sinu jacebat dormiens, & speciali lumine illustrata intellexi, Infantem illum esse pariter DEUM magnæ potentie, & majestatis, ac immensæ sapientie, & bonitatis, quem dum quam attentissime aspicerem, amaremque propter illas ipsius perfectiones, vidi etiam in eo Divino somno istum Dominum altissime contemplantem mysteria suæ Incarnationis, Vitæ, Passionis ac Mortis, quod mea anima magis est admirata, ac obstupuit, magis quoque ideo exarsit amore sui Domini. Dum autem ira Infans esset sopitus, vidi, quod ipsum sanctissima Virgo mulceret, & huc illucque agitaret, admoveretque pectori, ostendens, quasi illum vellet lactare, & expergefascere. Sed sanctissimus Infans continuabat suum Divinum somnum, donec perseverante Virgine in eo agitando expigeretur, singultiendo, & propemodum plorando; profundebat vero ex suis Divinis oculis lachrymas, indices magni luctus ac doloris, quas sancta ipsius Mater abstergebat suis manibus, magno amore & reverentiâ, admovendo illum suis Divinis ubebris, ut ipsi aliquid præberet solatij; sed quia advertebat, & agnoscebat quanto afficeretur dolore cor pretiosi sui Filii, profundebat & ipsa ex suis virginis oculis lachrymas compassionis, quæ modò cadebant super faciem Parvuli, modò supra ipsius vestes. Post fusas autem aliquas lachrymas, plenè est expergefactus sanctissimus Infans, ex illo admirabili somno, ac

defigens suos sacratissimos oculos in me indignam, aspiciebat me amantissime, & quam fixissime, indicans se mihi bene esse affectum, ac optare, ut mihi gratificetur: quae visione sunt in mea anima excitati ardentissimi affectus amoris erga illum, tantisque fui perfusa solatis, ut excederent dolorem, quo meam animam affecerant ipsius lachrymae, & sanctissimae ejus Matris, quae aliquanto post volens quasi a me discedere, mihi dixit: Amica, velle sine amplexari hunc sacratissimum Infantem? Ego vero statim respondi, me non esse dignam tanto favore, ideoque hoc non presumere. Sed sanctissima Virgo mihi per amanter dixit: Noli tantopere tergiversari, quamvis ita sit, sicut dicas. Apice illum; quia licet sit magnus DEUS ac Dominus, fuit tamen etiam Infans, qualem tibi modo spectandum exhibit. Cumque ego adhuc reluctarer, propter meam indignitatem, sacratissimus Pusio JESUS, postquam statuisset mihi gratificari, nullo mihi ultra dicto verbo, neque me amplius interrogata, amplexatus est dulcissime cor meum, ita ut anima mea sentiret dulcedinem & bona provenientia ex praesentia sui Domini, qui post hoc statim est reversus ad brachia sue sanctissimae Matris, & ipsa a me discessit.

Alias vidi sacratissimam Virginem cum suo Filiolo in brachijs, qui amabiliter jocabatur more Infantorum colludentium suis Matribus, aspiciens jam Matrem, jam me quam affabilissime & gratosissime: aspectus ipsius confortavit cor meum, quod valde habebam debile, propter afflictiones meae infirmitatis. Habebat parvulus pallolum, seu paludamentum pretiosissimum, distinctum lapidibus pretiosis, in aestimabilis valoris, ac elegantiæ, ut eo cor meum exhilararetur: & interrogavi Beatissimam Virginem, quis ipsi illud dedisset? quae mihi respondit datum illi fuisse ab ipsius Patre, significans mihi illas tam pretiosas gemmas, esse heroicas virtutes, & pretiosissima ac sublimissima dona, a Divinitate Patris eterni communicata sanctissimæ Humanitati Filij. Et vidi, quod cum maxima

liberalitate ac benevolentia, quasi extendo manum, avelleret illos lapides pretiosos, ac elegantes adamantes, eosque distribueret ac donaret suis servis, & amicis, quodque etiamsi multos donaret, non diminueretur illorum numerus, neque paludamentum deperderet suam pulchritudinem, sed remaneret integrum, conservaretque suam elegantiam. Vidi deinde, quod Infans haberet togulam, seu chlamydem valde speciosam, quamvis non ita sicut pallium, & interrogavi sanctissimam Virginem, a quonam illa ipsi data fuerit? Respondit, quod à Matre. Unde intellexi esse Humanitatem, & vestem carneam, quam ipsi Mater ejus dedit. Animadversi etiam, quod in togula habuerit manicellas albas, admirabiliter candicantes, concisas, ita ut per scissuras gratiose appareret indusiolum. Et cum interrogarem, quis ei istas dedisset, respondit eadem Domina, quod & has illi dederit ejus Mater, atque intellexi in ijs representari ipsius Puritatem, & Virginitatem, coniunctam Maternitati. Aspexi pedes Parvuli, & vidi ipsum induitum nitidis ac apertis cothurnulis inauratis, atque apparentia in illis capitella clavorum, qui mihi cor penetrabant, multoque magis, quando fui intuita ipsius manus, ac vidi etiam clavorum cuspides, & dixi valde dolenter ad eundem sanctissimum Parvulum: Quomodo tam citò Domine? Responditque ipsius Majestas: Ab instanti meæ Incarnationis mihi sunt impressa ista signa & clavi. Quo mihi significavit, se ab illo instanti vidisse ac sensisse in sua anima id, quod postea pro nobis sustinuit in Passione. Post hoc mihi dixit Deipara: Accede, Amica; quasi veller discedere. Ego protendi quam reverentissime caput, & Beatissima Virgo me strinxit brachio, est que amplexata, admovendo faciem suam meo capiti. Idem fecit benedictissimus Infans: quibus amplexibus fui abrepta in gratosissimam unionem, quae aliquamdiu duravit, & quando ad me redij, reperi me solam, absque tam gloriosa Societate.

Ista fuerunt dulcia colloquia hujus Virginis cum Virgine Virginum, declarante ipse
B b 2 p. 9

per has rerum visibilia similitudines excellentiam rerum invisibilium, contentarum in hoc sacro sancto Mysterio.

§. III.

Alio die (anno 1615.) agens cum DEO, afflita gravibus doloribus, drepente adverte & audi vi Angelos DEI, suaviter ac divinè, altissimâ voce cantantes, & pulsantes accientes instrumenta musica. Verti oculos ad eam partem, unde resonabat illa cœlestis musica, & vidi sanctissimam Virginem Dominam nostram speciosissime pretiosissimeque vestitam, sicut illam videre confuevi, confidentem humili valde loco, quasi prope terram, quæ habebat ante se sanctissimum Puerum JESUM stantem, in ætate viginti circiter mensium: videbaturque illum quam pulcherrimè & gratiosissimum induere. Postquam illum vestivisset, vertit ipsum ad me, dixitque mihi: Amica, aspice istum Dominum, est enim Princeps Cœli, & Filius meus: aspice illum, & replebitur solatio, ac recreabitur anima tua. Aspexi ipsum subito, vidique admirabiliter formosum. Accessit ad me, vocavitque me de nomine, & quasi me excitaret, mihi dixit: Marina, quid agis? dormisne? evigila Amica, vide quid tibi feram, quod mihi pro te Mater mea dedit. Et ego excitata quodammodo ex somno, ac videns meum DEUM, meumq; delicium juxta me, incepi illum amanter ac tenerè alloqui, appellando ipsum meū DEUM, meum Dilectum, & Dominum. Divina Majestas mihi dixit: Quid facis, Amica? quid habes? accipe hoc donum, quod tibi à me dari petiit mea Mater. Et ostendit mihi quandam speciosissimum fructum, instar pomi Appiani, duorum triumve pulcherrinorum colorum, quod in se continebat tres admirabiles virtutes, quas illi DEUS indiderat. Una erat Virtus Charitatis, altera Fortitudinis, alia vero Levaminis, & Corroborationis pro nostra debilitate. Dominus accepit illum mysticum fructum, posuitque intrà meum pectus & cor, quem ego suscepimus grati-

arum actione. Tum me cœpit Dominus alloquì alio modo valde mirabili, dicendo mihi: Anima mea, video te afflictam, timidam & anxiam, dic mihi, quænam sit causa tuæ afflictionis, ac turbationis? Cùm me habeas, quid tibi deest, vel quid tibi deesse potest? si consurrerent castra mimorum, non timeat cor tuum: quia ego sum defensor vitæ tuæ, quem timebis? scis jam, quid tibi tum ego ipse dixerim, tum meis sancti Angeli iussu meo, te nempe exercendam per illas personas, quarum persecutionem possis magis sentire, & quæ possint tuam animam, & cor amplius turbare. Cùm ergo jam de hoc sis monita, quare id non agnoscis, quando se tibi offert occasio. Experimentum est id, ac probatio, non autem sunt vera pericula, neque talia, quæ tibi possunt nocere, vel te confundere. Bono animo esto; hoc tibi volui intimare, quia adverto in te non nihil pusillanimitatis, eò quod tibi videaris me in aliquo officia. Vive in pace tecum. Et rediit ad suam sanctissimam Matrem, ego autem mansi abrepta, nec ipsos amplius vidi.

§. IV.

A Liâ vice (anno 1616.) in quadam magna afflictione, me invisi sacratissima Virgo, gestans suum formosissimum Filiolum in brachijs, dixitque mihi: Cùm hodie non possis communicare, accede, huc, & accipe meum Filium. Accessi, & osculata sum illius pedes, sensique ipsum intrà meam animam intimè ei unitum. Paulò post denuò illum vidi in ulnis Virginis, & quidem dormientem inclinato capite super humerum suæ sanctissimæ Matris. Ego dicebam in animo meo: DEUS bone, quomodo dormis! Beatissima Virgo imposuit digitum ori, innuendo mihi, ut tacerem. Videbam autem illam plorantem, & lachrymantem. Tunc intellexi Puellum in eo somno profundè considerare peccata hominum, pro quorum salute illi erat moriendum, & exiguum fructum, quem ex multis iporum esset relatus; Virginem verò sanctissimam hac omnia

omnia penetrare, ideoque commoveri, & flere: quæ ad me conversa, mihi dixit: Vide ne quid fiat? Hoc frequenter accidebat, quando in mundo vivebamus. Tandem audiendo quodam die Sacrum, videbam oculis animæ, in Altari ad latus Epistolæ, jacentem valde parvum Infantulum, splendidum & elegantem, circum datum radijs lucis, & summi splendoris. Contemplabar illum cum magna admiratione & solatio, quia advertebatur esse D E U S, & in vultu ipsius resplendebant radij Divinitatis, ac Majestatis infinitæ. Quamvis autem ibidem adesset quasi quieta Beatissima Virgo, tota eram intenta a-

spiciendo Infanti. Deditque mihi Divina Majestas magnum lumen pro cognoscenda magnitudine infinitæ ipsius potentiae, eò quod licet sit tantus D E U S, totus esset conclusus in tam exiguo Infante, nec non immensitate ejus Sapientiae, quod assumperit tale medium, & invenerit pro nostro commodo ac remedio. Cumque ego potius desideravissim fusè differere de hoc mysterio, dixit mihi Dominus: Esne modo contenta? Respondi: Ita sanè mi Domine, quamvis etiam vehementer fuerim pudefacta, & confusa, quod adeò blandè mecum ageret D E U S, cùm sim tam miserabilis, quam sim.

C A P V T XII.

De Sapientia Christi Domini, quæ in eo elucebat,
quando erat duodennis in medio Doctorum, atque etiam
dum prædicaret.

§. I.

Dominicâ infma Octavam Epiphaniae, in cuius Missa canitur Evangelium de Ascensu Christi Domini ad Templum, cum factus esset annorum duodecim, habuit hanc visionem: quando ferventer agebatur, ut stabiliretur sententia de Purissima Conceptione Beatissimæ Virginis.

Agens, inquit, nocte quadam cum Domino, vidi drepentè intrantes meum cubiculum per gratiosissimam portam, quæ ducebat quasi ad quosdam amoenissimos hortos, multos sanctos Angelos parvos, instar puerorum circiter octennium, qui agebant ephelbos JESULI, eleganter exornatos, & speciosissimos: veniebant binii, & fuerunt viginti quatuor. Postquam sunt ingressi, celeriter abiverunt ad alium hortum, in quo erant multi flores odoriferi, & varij, ibique stabant, quasi aliquid præstolantes. Licet verò ipos viderem, nihilominus abstrahebam ab illis meum animum, agens cum meo Domino, & expectans, quem finem esset habiturum illud

mysterium. Paulò post vidi revertentes, & invicem colloquentes, ac si dicerent: Jam venit Dominus. Et continuò vidi per quosdam gradus, qui pertingebant usque ad cœlum, descendentes ad meum cubiculum multos Angelos majores, alios autem in aere concinenter divinè & mirabiliter cantilenas graves in laudem Divinæ Majestatis, quos omnes sequebatur Christus Dominus, præferens ætatem duodecim annorum, in eo vestitu, quem gerebat in mundo, magna cum gravitate ac maiestate. Sancti Angeli ipsi preparaverunt thronum & suggelatum cum sella, ubi confedit. Ego vehementer fui turbata, atque anxia, more solito, & quamvis omnia ista spectarem, avertiebam mentem ab eo, quod videbam, ac recurri ad DEUM, ut me illuminaret, pro cognoscendis ipsius veritatibus. In hoc me latissimè detinui, & Dominus me expectabat. Tandem fui coacta redire ad mysterium, quod spectabam, & Dominus mihi dixit peramanter & graviter: Marina, quid facis? quid volvis animo? ego vehementer turbata illi respondi: Domine hic maneo in isto lecto miserabilis, & peccatrix, plena miserijs;

Bb 3

Sup-